

# OLTZA ZENDEAKO UDAL HAUR ESKOLA

## Eskolaren datuak

Eskolako tfnoa: 948321391  
Udaleko tfnoa: 948322068

Helbidea: Asiaingo errepidea, 10  
K.P. 31171 ORORBIA

Helbide elektronikoa:  
[ei-oltza-he@hotmail.com](mailto:ei-oltza-he@hotmail.com)

Dindaia Fundazioak kudeatuta.

Informazio gehiago  
[www.ayuntamientooltza.com](http://www.ayuntamientooltza.com)

## ORDUTEGIAK

### Sartzeko ordu tartea:

7:30etatik 9:30etara

### Irteera ordu tarreak:

Bazkaldu aurretik: 11:30etatik 12:00etara

Bazkaldu ondoren, siesta egin aurretik: 13:00etatik 13:30etara

Siesta egin ondoren: 14:30etatik 16:00etara

Bestelako orduetan eskolako atea itxita izango dira.

Haurrak, gehienez, egunean 8 orduko egonaldia egin dezake

Ordutegi hau aurreratzeko salbuespenak onar daitezke, beti ere hezitzaileekin adostuta.

## EGUTEGIA

2023/2024ko ikasturtea irailaren 6an hasiko da.

## PEDAGOGIA

Lehenik eta behin, eskola leku atsegina eta erakargarria izatea bilatzen dugu, non esperientzia aberatsak eta interesgarriak sor daitezken, bai eguneroko momentuetan (komunean, bazkarian, lo uneetan..) bai jolasean eta elkarren arteko harremanetan ere. Afektiboki eta emozionalki giro eta harreman lasaiak sortzeari lehentasuna eman nahi diogu, haurrak eskolan eroso eta pozik senti daitezken eta, ondorioz, esperimintatzeko eta jolasteko gogoia sortakien. Ongizate fisiko eta afektiboa beste guztiaren oinarria izango da.

Azken urteotan Budapesteko Lőczy Institutuko Emmi Pikler doktorearen pedagogian formatu gara. Jolas librean eta eguneroko jardueretan haurraren interesak eta erritmoak errespetatzen ditugu. Bazkaltzeko orduan, haurrak jateko gogorik edo gustukoa ez badu, jatera animatuko dugu, baina inolaz ere ez dugu behartuko. Egunerokoen balore pedagogikoa zaindu nahi dugu, bestelako hezkuntza-proposamenez gain.

Haurraren mailakako eta etengabeko autonomiarekin batera goaz hezitzaileok, bere heltze prozesua eta lanak “bakarrik” egiteko nahia behatuz. Hortaz, egunerokoetan haurraren parte hartzea errazten eta animatzen saiatzen gara. Modu horretan, haurrak bere gaitasunak eta mugak ezagutzen eta bere buruan konfiantza hartzen joango da.





---

*“Haur bati bere kabuz ikas dezakeen zerbait irakastea alfer izateaz gain,  
kaltegarria ere izan daiteke. EMMI PIKLER*

---

Haurra jolasean, mugitzean, gorputzeko posturretan eta eguneroko jardueretan ahalik eta askeen izaten saiatzen gara. Ikasketa prozesuetan hezitzaileon esku-hartze zuzena ekidin nahi dugu, haurrak berak deskubritu, zuzendu, esperimentatzean gozatu eta *auto-erregulatu* ahal izateko. Haurrak, eta guk, emaitzak bezain beste prozesu bera baloratzea nahiko genuke. Honek esan nahi du protagonismoa eta bidearen norabidea haurrak markatzen dituela. Gorputzeko posturak praktikatzean eta motrizitatean ez dugu inongo estimulazio zuzenik egiten. *Lorpenetara* heltzea ez dugu azkartu nahi. Espazioa eta materiala egokiak aukeratzean eta prestatzean datza helduon egin beharra, haurraren ondoan ikasketa prozesua jarraitzeaz gain: ahoz goratik ahoz beherara buelta ematea, haurra bera bakarrik esertzen ikastea, lau hankatan ibiltzeko postura praktikatzea...). Haurra jaiotzen den unetik dituen gaitasun horietan erabateko konfiantza eta errespetua praktikatzen dugu

Haurtzaroaren onberatasunean sinesten dugu eta elkarbizitzarako, higiene eta gure jendarteko ohitura diren oinarrizko arau batzuk barneratzen laguntzen diegu. Haurrekiko harremanak eta haien beharrak asetzea banan-banakoa egin nahi dugu, eta ahal den neurrian horrela egingo dugu, haurra pertsonatzat hartu eta errespetatu nahi baitugu.

Eskolan *erreferente* bidez lan egiten dugu, hau da, eguneko interakzio hurbileneko momentuetan (komunean, bazkarian, lo egiteko orduan...) hezitzaile zehatz bat haur taldetxo bakoitzaren erreferentzia nagusia izango da.



Familiekiko harremanari dagokionez, hauen parte-hartze eta laguntza ezinbestekoa ikusten dugu, bai bere seme-alabarentzat baita eskola mailan ere.

## ESKOLAKO OINARRIZKO ARAUAK

### OSASUN ARAZOAK ESKOLAN. *Haurrak gaixorik daudenean ezin dira eskolara etorri.*

Ezin izango dira etorri hauetako sintomaren bat dutenean:

- Hotzeriak eragindakoak: eztul bizia, kongestio handia, sukarra.
- Hesteetako edo gastrikoak: gastroenteritisa, goitika edo beherako egitea, sukarra, mina...
- Konjuntibitisa (supuratzen duenean edo deseroso sentitzen denean)
- Zorriak (tratamendua egin ondoren, eskolara bueltatu ahalko da haurra)
- Kutsakorra den azaleko edozein gaitz.
- Haurraren ongizatea nabarmen gutxitzen duen edozein gaitz.
- Kutsakorra den beste edozein gaixotasun edo gaitz.

Familiak haurra gaixorik izanik eskolan ondorioak areagotzen direla ulertu behar duzue, beste haurrak eta, batzuetan, hezitzaileak kutsa ditzake eta Eskolan ditugun haur kopuruak eta erritmoak kontuan hartuta, haurra ezingo dugu behar bezala zaindu.

Haurra, eskolan izanik, ongi ez dagoenean familia deituko dugu, haurra eraman dezan. Familiari galdetzen ez badiogu, ez dugu minarako edo sukarrerako botikarik emango. Eskolan antibiotikorik ez dugu emango. Ez ahaztu ezinbestekoa dela guraso edo senideren bat beti telefonoz hitz egin ahal izatea. Telefono berriren bat edo lantokiarena izanez gero, guri horren berri eman.

Gure iritzian haurra eskola etortzeko moduan ez egon arren familiak ekartzen duenean, pediateraren ziurtagiria eman beharko diguzue. Agiriak gaixotasun edo gaitza kutsakorra ez dela eta haurra eskolara etor daitekeela jaso beharko ditu.

Eskolan istripurik izatekotan, larritasunaren arabera joko dugu. Haurra osasun etxera eramatea beharrezkoa ikusten badugu, familiari egoeraren berri emango diogu eta honek eraman ala ez erabakiko du. Posible bada, familiak berak eramango du haurra osasun etxera. Anbulantzia bidez egin behar bada, familiari esango diogu osasun zentroan elkartzeko.

#### **ETXETIK EKARRITAKO JANARIA.**

Eskolarako bidean, batez ere 8:00tatik aurrera, zerbait jaten ari badira, gelan sartu aurretik bukatu edo utzi beharko dute. Kontuan izan oso ohikoa dela alergia duen haurren bat eskolan izatea eta edozein elikagai arriskutsua izan daitekeela. Kanpoko armairuetan ere ez, mesedez.

#### **JANTZIAK ETA ETXETIK EKARRITAKO OBJEKTUAK.**

Haurrak jantzen duen arropak eta beharrezkoa izanez gero aldatu ahal izatekoak haurraren izena jarrita izan beharko dute. Bestela, beste haurren arrokekin nahastea oso erraza da. Erosoa izan dadila haurraren autonomian laguntzeko.

Etxetik ekarritako jostailuek askotan liskarrak eragiten dituzte, besteak beste, beste utzi nahiko ez dietelako. Galtzeko eta izorratzeko arriskua ere bada. Beraz, etxetik jostailuak eta objektuak ez ekartzeko eskatzen dizuegu.

Egoera ezberdina izango litzateke haurraren objektu pertsonala edo berezia ekartzea. Egunero objektu-jostailu-panpina bera ekartzen duenean eta horrekin lotura berezia duenean, oso lagungarria izan daiteke haurra lasaitzeko eta beste haurrek berehala ikasten ohi dute norena den eta errespetatu behar dugula. Objektu berezi hori mina hartzen duenean, triste edo beldur denean, goizeko agurretan, lo egiteko orduan... eskatzen ohi da. Eskolako lehenengo egunetan ere oso lagungarria izaten da.

## HAUR HEZKUNTZAREN LEHENGO ZIKLOAREN ARAUTEGIA.

---

- *Hezkuntzaren Lege Organikoa, 2020/3 abenduaren 29an (aldatzen du 2006/2, maiatzaren 3ko Legea).*
  - *2007/28 Foru Dekretua, martxoaren 26koa: Haur Hezkuntzako lehen zikloa erregulatzen du (modifikazio barne 2022/61 Foru Dekretuan, ekainaren 1ean, non Nafarroako Haur Hezkuntzako kurriculua ezartzen duen) zentroen gutxieneko betekizunak eta hezkuntza edukiak.*
  - *9/2023 Ebazpena, urtarrilaren 25koa: 2023/2024 matrikulazio prozedura.*
  - *33/2023 Foru Agindua, apirilaren 19koa: 2022/2023 ikasturterako tarifak.*
- 

Arautegi honetatik nabarmendu nahi dugun informazio praktikoa:

- Ezarritako epean gauzaten ez diren matrikulak itxaron zerrendako hurrengo familiei eskainiko zaizkie.
- **Eszedentzia:** baremoan eszedentzia komunikazioa aurkeztu zuten familiek, ikasturtearen hasieratik hilabete eta erdira lanean hasi dutela enpresa ziurtagiria edo nominaren bitartez frogatu beharko dute. Ezarritako epean lanean hasi direla egiaztatzen ez bada, baremoan, dagokion atalean, emandako puntuak kendu.
  - Matrikula egiteak ekartzen du 10,5 hilekoak ordaintzeko konpromisoak hartzea. Matrikulatzeko ikasturtearen azken hilabeteko eskolatzearen ordainketa, 2024ko uztailekoa, aurreratuko da eta hileroko ehuneko 50koa izango da. Irailean (edo matrikula egitean), bakarrik eskolatzea ordainduko da, eta urrian, eskolatzea, jantokia gehi irailaren jantokiaren portzentajea. Kuotarik ez duten familiei 30 euro ordainduko zaizkie matrikula gisa, eta ikasturteko azken kuotan itzuli edo konpentsatuko zaie.
  - Urteko *per capita* errentatzat hartuko da zatiketa honetatik ateratzen den zenbatekoa: 2022ko pertsona fisikoen errentaren gaineko zergako zerga-oinarria (550 + 529) zati familia unitateko kide guztien kopurua, ikaspostua eskatzaileak barne.
  - Ezarritako epean 2022ko errenta aitorpena edo diru-sarreraren ziurtagiria ez aurkeztekotan, ikasturte osoan zehar kuotarik altuena kobratuko da.
  - Matrikulak, ikasturtea hasita: tarifa haurra eskolan hasten den hilabetetik ordainduko da, eta 15etik (barne) aurrera egiten bada, tarifaren %50 ordainduko da.
  - Oltzako haur eskolan matrikulatuak dituzten bi seme-alaben familiek bigarren seme-alabatik aurrera eskolatzeko tarifetan %50eko murrizketa izango dute. Jantokiko tarifetan bigarren seme-alabatik aurrera gutxieneko tarifa ordainduko dute.
  - Matrikulan jantokia aukeratu bada, jantokiko hilabeteko osoak ordaindu beharko da, zerbitzua egunero erabili ez arren. Salbuespenak:
    1. Erabiltzailearen menpetik eta bere borondatek kanpo dauden arrazoiak.
    2. Harrera aldia (ikasturte hasierako asteak).

Deskribatutako egoeretan ohiko hilabetekoari menu edo *catering*-aren diru-kostua kenduko da.

- Jantokia egun solteetan erabiltzeagatik eguneko tarifa: 5 euro.

- Ikasturtea hasita, jantokian hasi (hau da, haurraren eskola-ordutegia aldatu) modu iraunkorren, justifikatutako arrazoiengatik eta Hezkuntza Departamentuak onartu ondoren: tarifen arautegian ezarritako tarifen artean, familiaren errentari dagokiona.

- Familiak ekartzen duen esnea hurrak besterik ez jaten duelako, aipatutako epean jantokiaren kuota ez dute ordaindu beharko.

- BAJAK:

- Ikasturtea hasita, lehenengo hamabost egun naturaletan eskolan hasi ez den haurrari edo, eskolan behin hasita, justifikatu gabe hamabost egun naturaletan zehar etorri ez den haurrari **derrigorrezko baja** emango zaio. Edo bi hileko kuota ordaintzen ez dutenei.
- **Borondatezko baja:** ikasturtea hasi aurretik bada, lehenengo kuota ordaintzea saihesteko, aurreko ikasturtea bukatu baino lehen idatziz jakinaraziko da. Baja ikasturtean zehar bada, dagokion ordainagiria igorri gabe, aurreko hilaren azken eguna izango da. Hilabetea hasitakoan baja ematen bada, ez da ordainagiriaren zenbatekoa itzuliko, eta ez da hura itzultzea onartuko.
- Bajaren arrazoia justifikagarria denean: bizitokiaren aldaketa, langabezia, gerora sortutako estutasun ekonomikoa edo Udalak aurrekoen antzeko ezaugarriak dituen beste edozein, familiak matrikulazio epean ordaindu duen matrikula berreskuratuko du.

#### Per capita errentaren araberako tarifak

Per capita errentaren tarteak	Eskolatzea	+ Jantokia	/	gurasobakar familiak	
15.000tik baino gehiago	163	+ 95	/	0	+ 84
12.400,01tik 15.000ora	134	+ 95	/	0	+ 84
10.700,01etik 12.400ora	98	+ 95	/	0	+ 84
9.300,01etik 10.700ora	69	+ 95	/	0	+ 84
7.980,01etik 9.300ora	0	+ 84	/	0	+ 66
6.650,01etik 7.980ora	0	+ 84	/	0	+ 66
5.500,1etik 6.650ora	0	+ 66	/	0	+ 52
4.500,01etik 5.500ora	0	+ 58	/	0	+ 42
3350,01etik 4.500ora	0	+ 56	/	0	+ 32
3.350tik edo gutxiago	0	+ 52	/	0	+ 25